

乳源縣志卷之四

建置志

聖人之建邦也辨方正位詩重經始築城伊滅乃若嚮明而治則有署神道設教則有廟因險置守則有屯至于郵驛橋渡郊坊墟市亦體國經野之必需故曰非天不生非地不形非人不成善為治者內外交飭本末具脩順時興作毋令廢墜述建置志秉鈇識

城池

城周迴一百八十三丈有奇高二丈五尺厚一丈五尺池周城深一丈五尺濶二丈宋乾道三年置縣于虞塘攝事司理劉天錫始築土城至淳熙丁未為賊所毀十五年知縣曾造修復德祐乙亥又為賊毀至元正三年山寨羅一羅二據城叛一二年郴寇攻陷

乳源縣志 卷之四

一

義士鄧可賢率民置砦固守明洪武元年知縣張安仁遷于今治在洲頭津築土城守之天順六年通判杜宥知縣李鑑始易以石并浚外濠成化十七年知縣孔俊復創串樓一百七十六間建東南二門樓東曰拱陽南曰迎薰正德十二年樂昌徭賊龔福祥高快馬等二千餘衆圍攻五日作滾地車用大木五六丈推撞城墻城中洶湧夜縋敢死二人潛入地車放火燒燬賊失計退走隨被樂昌總甲龔鎮和等伏兵殺敗始解圍去嘉靖十二年知縣何澄重修城墻并浚外濠嘉靖四十三年大羅山流賊逆流而上遊劫鄉村韶南戒嚴邑民築圍自守時重臣督兵征勦知縣李繼芳親持牛酒犒師諸將領感奮誓死驅逐城池賴以保全萬曆元年知縣侯應爵重修城樓十八

年知縣林文豐重修三十年大風損塌知縣吳邦俊
重修崇禎十三年知縣蔣明鳳增高五尺康熙二年
南東方城房傾卸七十五間知縣裘秉鈞修復并重
建東南二城樓

吳邦俊曰郡邑之建大都山水所鍾也最大結都
會次結郡城又次結邑治然必水遠山長足稱勝
地邑自武豐龍溪南水而來可五十里舊治虞塘
嗣遷今治既取鎮豐岡而濱水築居規模何甚隘
也且文廟城隍俱列城外羅大夫亟欲廓之未皇
拮据俊承乏茲土慨然于衷而時事多艱礦稅交
急民力不堪萬曆庚子祝使君行巡議建塔于便
民之下流蓋扼其勢而毓其靈也方茲肇工尋以
入覲後有達人經制曷容已耶

祝諱以鹵號惺存丙戌進士時為南
韶道僉事

乳源縣志 卷之四

二

公署

縣署宋乾道三年建于虞塘德祐中兵燬元初重建
至正十四年復燬于郴寇明洪武元年知縣張安仁
遷建于洲頭津即今縣治正統八年知縣胡弼景泰
五年知縣李鑑典史高琰相繼修葺成化八年知縣
孔俊重建嘉靖十九年知縣丁文隆厭其卑濕增高
三尺萬曆元年知縣侯應爵修大門鼓樓萬曆十八
年知縣林文豐重修萬曆三十年知縣吳邦俊重修
戒石亭六房吏舍其規制正堂後堂各一正堂東為
幕廳西為耳房庫儀仗庫其兩翼列吏曹舍前為戒
石亭儀門大門上為鼓樓左為土地祠石為獄知縣
第在正堂東北其西典史居之主簿則第於儀門東
歲久蠹朽圯壞 國朝康熙元年知縣裘秉鈞重修

後堂重建正堂儀門大門

行署

嶺南分司 城內縣治西成化十八年知縣孔俊建嘉靖間知縣陳營修主簿羅策繼修萬曆三十年知縣吳邦俊修 中為正堂後為穿堂為後堂東西為廊為房為厨前為大門 康熙二年知縣裘秉鈞改建于

舊學基

吳邦俊曰隸人館客晉侯謝不敏焉况憲使時巡各司儻以居上下之體謂何則公館宜議興也至供張噐皿悉取辦于里排行舖遺失破壞無怪民莫與也俊就稅餘銀置辦噐具列屏開寫未用收之耳房有用設之公所事竣復歸耳房後之君子歲益廣之官不煩民力稍裕城東官地宜有以備巡行矣

學宮

乳源縣志 卷之四

三

儒學宋乾道三年攝縣事司理劉天錫始建于虞塘古縣城西淳熙十四年寇燬知縣曾造復建元至正十二年又燬明洪武元年知縣張安仁教諭劉蘭苑訓導鄧一源遷于縣治東門外創殿廡齋堂立射圃子學東永樂十二年教諭廖彤修天順元年知縣李鑑重修成化元年知縣陳綬建櫺星門會饌堂 廉州知府廬陵周

記正德元年知縣李溥重建齋廡正德七年知縣楊

英重建明倫堂嘉靖五年知縣陳榮柱櫺星門以石建兩齋十一年知縣何澄建啟聖祠敬一亭隆慶三年知縣洪淇建育才坊萬曆九年知縣羅元勳重修殿堂 翰林院檢討劉克正記 萬曆十八年知縣林文豐重修三十一

年知縣吳邦俊修育才坊嗣後宮牆漸圯兼基址右迫城樓坐向墓庫人文不利衆議遷創歲久未決廟

宇傾頹順治十八年知縣裘秉鈞同教諭龐璋遷建于登雲坊上首中為先師廟左右為兩廡前為儀門左為名宦祠右為鄉賢祠又前為泮池為櫺星門後為明倫堂左為啟聖宮宮前為青雲路為射圃為土地祠右為教諭衙為祭品庫為典籍庫前為儒學門其基以正殿中分左橫二十丈右橫一十五丈前至坑厝為界后至胡家園田為界共一十二畝

社學三日養正在儒學東日乳溪在利村日洲頭縣南精舍一日温

泉在縣西太守符錫判郡時搆今廢

文奎樓萬曆間知縣趙佑卿建在舊學宮之東康熙二年知縣裘秉鈞改建于新學宮之前

恤政

存留倉 預備倉俱在縣治東 城東義倉知縣林文豐建 打鼓墜義倉知縣

林文豐建鄉民林楹等捐賑

養濟院在縣東便民墟 漏澤園在斗門山大路之北又名千人井今廢

乳源縣志 卷之四 四

屬署

武陽巡檢司在縣西北二百七十里嘉靖八年知縣胡性巡檢宋大鏐建

僧會司雲門双峯不常所主

道會司元妙觀

陰陽學在城隍廟左今廢

醫學在城隍廟左今廢

郵鋪

舖四日縣前日墟頭日大塘日馬渡

公館五日龍溪日均豐日白牛坪日梅花日武陽吳邦俊

縣前舖東十五里為墟頭又東十里為大塘經通咽路十里至馬渡曲江界自馬渡二十里至陽山舖又二十里至韶府前舖縣西北舊有西京路世久道湮崎嶇蒙蔽行者畏之萬曆三十六年六月李直指出境開宜章之路縣西四十里至龍溪公館又三十里至均豐公館又三十餘里至白牛坪公館又四十里至梅花公館自梅花十五里至武陽公館自武陽十五里出宜章縣境縣以東舖兵有工食其西北境公館俱邦俊給價鄉耆所建僅令地方守之有郵傳之迹無郵傳之供後之君子徐議焉

街市

城內街 上街在城 下街在城 洲頭街在城南 遺榮巷在城內分司

文武巷縣城內東 登雲巷城隍廟右 居仁巷在上 冠英巷在上

城東市在拱陽門外 洲頭市路通宜章 打鼓墜市縣東八里 管埠市在武陽都縣西一百五十里 異省商民雜居五百餘家水陸通柳桂各處出棉花芝麻蔞芎芋交易最繁商總多粵西人積習為奸每一追呼推展逃避士民詣請當道建巡司於此或遷武陽巡司于此庶足彈壓近亦稍馴耳

坊表

宣化坊 在縣前洪武二十二年知縣黃迪建今廢

登雲坊 在儒學前永樂三年為舉人蘇葵立

興賢坊 在城隍廟下永樂三年為舉人蘇坦立今廢

聯桂坊 在縣西上街永樂十五年為舉人鄧永清鄧忠立今廢

飛黃坊 在儒學左成化二十二年為進士錢鐸立後改扁曰芳朕黃甲嘉靖四十年兵燬

崇正學坊 在學前東扁曰興賢今廢

育才坊 在儒學前扁曰地切丹霄嘉靖四十年燬于兵知縣丁文隆重建扁曰翔龍起鳳歲久傾塌萬曆三十一年知縣吳邦俊修建書育才坊

振時俊傑坊 為舉人魏良佐立在城隍廟左

乳源縣志 卷之四 五

國家元氣坊 在儒學大門

三世進士坊 在儒學右為宋鄧戡鄧堂鄧弼亮立今廢

百歲坊 為耆民一百零四歲丘環建在宋田

稽縣在虞塘時載碑八座曰阜民曰善政縣前左右

世澤流芳坊 為翰林院學士胡廩王立

進士坊 為胡夢貞立在儒學東

青雲獨步坊 為舉人劉墳立在儒學西

聯桂坊 為舉人胡清蘇元實立在上街

擢英坊 為舉人劉欽鄧景新立俱因遷縣廢為民居或磚瓦尚存

橋路

迎恩橋 在東門外義官劉榮暹建孫興賢橋 在元妙觀東者老鄺明迪建 登雲橋 在登雲坊鄉

李公橋 在墟尾聯斗門橋 縣東三里萬曆二十年生接龍橋 在臘嶺上鄉 乾

坑橋 萬曆二十九年生員黃燕口橋 在風度嶺下 平田橋 縣東十里義打鼓

頌街民鮑期頭等造

墜橋 縣東十里鄉民劉宗虞建 **鐵岡橋** 縣南十里鄉官陳順建 **嶺下橋** 在打口墜義民劉浚重建 **竹子橋** 在犀水鄒民劉

泮 **流芳橋** 在田舍房鄉民劉宗肇同建 **清江橋** 在清江義民劉浚重建 **西田橋** 在西田鄉民陳貴建 **大富橋**

在縣西南二里鄉民李立仁建曾一夔重建 **通濟橋** 在縣西一百里鄉民饒仁建署縣李盛春題匾曰厲揭通登與徒侔濟 **椰木橋** 在龍溪縣西五十里

梯下橋 在武豐梯下 **永濟橋** 純劉觀冕張澤丘有英等建 **明月橋** 縣西二里雙峯等前

街民詹世用造 **廣濟橋** 知縣吳邦俊助工以穀勒石為記 **通咽路** 縣東便民墟起至縣界詔之通咽路俗云通賢路縣東二

十里弘治十七年義民利福捐財募工在嶺腰石成路福男利保更鑿廣之濶六尺長七餘丈有乳源縣界坊萬曆三十年知縣吳邦俊更于嶺上開大路脫去崎嶇冠蓋車輿為便有墟尾至通咽路義民黃

鷺全男廩生黃以文砌石為道計一千二百四十餘丈天啟四年鶯孫永福知縣黃甲海陽黃卷重修 **西京路** 縣西由大富橋上嶺謂之西京路由臘嶺遇風闕下至燕口相傳唐武德間開歲久棘鋤其沙石自臘嶺直至宜章計二百餘里許楚粵之人任來稱便

吳邦俊曰西京路舊傳唐武德年間未必然也唐太宗建京太原嶺南朝貢俱從大庾至元宗時張

相國開梅嶺西京之名何取焉意者元宗幸蜀南粵使臣或由此朝貢肇此名耶韓昌黎之潮陽所

經曰秦嶺曰藍關曰祭瀧文大約亦由此途出但

乳源縣志 卷之四 六

以武豐梯為秦嶺風門關為藍關則未敢信然當

是時乳邑尚屬樂昌昌黎畏樂昌三瀧之險取道

於茲歟姑記之以備參考

官渡

縣前渡 迎薰門外嘉靖十四年奉 察院設男女二渡萬曆三十年李按居由此出宜章境知縣吳邦俊連舟以濟合邑士民便之惜財絀不能舉姑志之

渣溪渡 在縣西三十里有渡船設夫一名每歲工食給之萬曆三十年布橋通行士民甚便 慮汨撒橋仍舟

石高渡 縣西北一百里自饒仁守義稱通濟橋往來便之渡夫改為橋夫歲給工食一兩零錢

武陽渡 縣西北二百二十里有渡夫一名歲中工食銀七兩二錢以 往來其水出湖廣臨武縣下梅田巡司至司前轉平石村出

七姑渡 縣西北二百里鄉民余積 建亭施田四畝租給渡夫以濟其水自湖廣雙口舖面河入七姑灘轉北由樂昌平石村入大河

侯公渡 縣東南二十里知縣侯應爵所設

金公渡 縣東二里便民墟西知縣金明漢所設萬曆三十年義民黃如穀募造船隻知縣吳邦俊處入官田張經馬上龍鍾東震三項穀七石六斗歲給渡夫工食義民黃如谷復施田二

畝供造船供給

裘公渡 在縣東十五里灘頭康熙二年知縣裘 捐貲添設渡田工名榕樹背田一畝載糧四升租三石六斗納正供免雜差年租谷給付渡夫華石孫收 撐 利

梯雲嶺路

嶺高百仞盤曲峻峻康熙元年知縣裘秉鈞捐貲開鑿遂成坦途

亭榭

文昌閣

在縣東一里天啟五年知縣譚汝偉建為縣治鎮水口

擬沂亭

在湯泉嶺上通判待錫建

三美亭

在縣東北山川壇後知縣趙佑卿建

止渴亭

在灘頭渡頭上康熙元年舊知縣郭弘纘建并捐貲買曾籠田七畝戴糧二斗一升納正
供免雜差租谷一十四石交付白雲菴僧雲宗收租煮茶施衆教諭龐□記

乳源縣志卷之四終
乳源縣志 卷之四